



Број/Број: 03/50-1-60-6-1/10
Сарајево/Sarajevo, 26.01.2010. godine

IZVJEŠTAJ

**o radu Odbora za žalbe građana na rad policijskih službenika BiH za
period septembar – decembar 2009. godine**

januar 2010. godine

Na osnovu člana 19. stav (1) tačka d) Zakona o nezavisnim i nadzornim tijelima policijske strukture Bosne i Hercegovine i člana 5. stav (1) tačka f) Poslovnika o radu Odbora za žalbe građana na rad policijskih službenika u policijskim tijelima Bosne i Hercegovine (u daljem tekstu: Odbor za žalbe građana), Odbor za žalbe građana je na svojoj 6. sjednici, održanoj 26.01.2010. godine usvojio i Parlamentarnoj skupštini BiH podnosi sljedeći

I Z V J E Š T A J

o radu Odbora za žalbe građana na rad policijskih službenika BiH za period septembar – decembar 2009. godine

I. UVODNE NAPOMENE

Odbor za žalbe građana osnovan je u skladu sa Zakonom o nezavisnim i nadzornim tijelima policijske strukture Bosne i Hercegovine („Službeni glasnik BiH“, broj 36/08), kao nezavisno tijelo Parlamentarne skupštine BiH.

II. SASTAV ODBORA

Odbor za žalbe građana ima sedam članova koji se biraju na mandat od četiri godine, a čine ga građani koji nisu zaposleni u policijskim tijelima i imaju ugled u društvu, i koji su predstavnici svih konstitutivnih naroda u Bosni i Hercegovini.

Parlamentarna skupština BiH je, na 58. sjednici Predstavničkog doma, održanoj 22.07.2009., i na 33. sjednici Doma naroda, održanoj 23.07.2009., donijela **Odluku o imenovanju članova odbora za žalbe građana kao nezavisnog tijela policijske strukture Bosne i Hercegovine** („Službeni glasnik BiH“, broj 59/09).

U Odbor za žalbe građana imenovani su:

- Mate Miletić – predsjednik Odbora za za žalbe građana;
- Amela Bašić – prva zamjenica predsjednika Odbora za žalbe građana;
- Borislav Radić – drugi zamjenik predsjednika Odbora za žalbe građana;
- Marijan Milićević – član Odbora za žalbe građana;
- Hamida Karčić – član Odbora za žalbe građana;
- Ermin Pešto – član Odbora za žalbe građana; i
- Danica Berić – član Odbora za žalbe građana.

III NADLEŽNOSTI ODBORA

Odbor za žalbe građana je, u skladu sa Zakonom o nezavisnim i nadzornim tijelima policijske strukture BiH i Poslovníkom o radu Odbora za žalbe građana, nadležan za primanje, evidentiranje, procjenjivanje i prosljeđivanje žalbi na postupanje policijskih službenika u Bosni i Hercegovini, kao i njihovo upućivanje nadležnim policijskim tijelima; kontinuirano praćenje u kojoj se fazi nalazi predmet; iniciranje odgovarajućeg postupka protiv podnosioca žalbe u slučaju lažne ili tendenciozne žalbe; vođenje svih odgovarajućih evidencija i baza podataka o žalbama građana protiv policijskih službenika Bosne i Hercegovine, rezultatima istrage i drugim faktorima na osnovu kojih je pokrenut disciplinski ili krivični postupak; davanje svih informacija podnosiocu žalbe vezanih za njegovu žalbu; informiranje Parlamentarne skupštine BiH o svom radu, te obavljanje ostalih poslova propisanih Zakonom.

IV. IZVRŠENJE ZADATAKA IZ NADLEŽNOSTI ODBORA

U periodu od 14.9.2009. do 29.12.2009. Odbor za žalbe građana održao je pet sjednica.

Nakon održane konstituirajuće sjednice, članovi Odbora za žalbe građana razmatrali su Prijedlog poslovníka o radu Odbora te je, nakon usaglašavanja teksta svih članova, Prijedlog poslovníka dostavljen na usvajanje Parlamentarnoj skupštini BiH. Parlamentarna

skupština BiH je, bez primjedbi, usvojila Poslovnik o radu Odbora za žalbe građana na 62. sjednici Predstavničkog doma, održanoj 14.10.2009., i 37. sjednici Doma naroda, održanoj 19.10.2009., te je objavljen u „Službenom glasniku BiH“, broj 84/09.

Članovi Odbora za žalbe građana su izuzetno mnogo vremena posvetili razmjeni ideja i preduzimanju aktivnosti u vezi s organiziranjem rada Odbora za žalbe građana, te načinima upoznavanja relevantnih institucija na nivou BiH ali i samih građana o uspostavljanju Odbora za žalbe građana te njegovim nadležnostima. U skladu s tim, članovi Odbora uputili su obavještenja o početku rada Državnoj agenciji za istrage i zaštitu te Graničnoj policiji BiH, saopćenja za štampu - objavljena na veb-stranici Parlamentarne skupštine BiH i u nekoliko dnevnih listova u BiH, a trenutno se preduzimaju aktivnosti na izradi materijala s adekvatnim sadržajem s ciljem daljnjeg promoviranja rada Odbora za žalbe građana.

Imajući u vidu značaj Policijske misije EU i ciljeve i obaveze koji su postavljeni pred Odbor za žalbe građana s ciljem razmjene iskustava i upoznavanja s radom sličnih tijela uspostavljenih u drugim državama, radi se na uspostavljanju odgovarajuće saradnje sa EUPM-om. Naglašena je i potreba za održavanjem sastanaka s tijelima i komisijama koji se bave sličnom problematikom u sjedištima i regionalnim uredima policijskih agencija u BiH.

V. ZAVRŠNE NAPOMENE

Imajući u vidu da je Odbor za žalbe građana novoformirano tijelo Parlamentarne skupštine BiH, konstituirano 14.9.2009., članovi Odbora za žalbe građana smatraju da je u izvještajnom periodu Odbor za žalbe uspješno odgovorio na sve postavljene zadatke, te predlaže Parlamentarnoj skupštini BiH da usvoji Izvještaj o radu Odbora za žalbe građana za period septembar – decembar 2009. godine, te zaduži Sekretarijat Parlamentarne skupštine BiH da i u narednom periodu nastavi pružati administrativno-tehničku podršku Odboru za žalbe građana.

PREDSJEDNIK
ODBORA ZA ŽALBE
Mate Miletić